

Bahagian 5:

Niaga Hadapan- Bagaimanakah saya bermula?

Ini adalah bahagian kelima siri artikel tentang perdagangan niaga hadapan, dibawa khas kepada anda oleh Bursa Malaysia Derivatives Berhad (BMD) dan OSK Investment Bank Berhad sempena kempen BMD 'Perbualan Niaga Hadapan' untuk mewujudkan kesedaran dan mendidik pelabur tentang dagangan derivatif.

"Bagaimanakah saya bermula untuk melabur dalam niaga hadapan?"

Ketahui apa yang didagang adalah sangat penting sebelum memulakan niaga hadapan. Anda haruslah merujuk sebanyak mungkin maklumat atau mendapatkan nasihat daripada pakar dalam pelaburan ini.

Dengan adanya ilmu pengetahuan yang betul, anda kini perlu membuat pelan dan keputusan untuk melabur di samping strategi pelaburan yang sesuai. Di samping itu, anda juga dinasihatkan supaya mempunyai idea jumlah dana yang perlu

diperuntukan untuk akaun pelaburan niaga hadapan anda. Ini ditentukan oleh kadar risiko yang sanggup diambil oleh anda. Dagangan niaga hadapan melibatkan risiko tertentu, oleh sedemikian anda dinasihatkan supaya berdagang dengan modal risiko yang mampu ditanggung.

Langkah seterusnya adalah pembukaan akaun niaga hadapan dengan broker niaga hadapan berlesen. OSK Investment Bank menawarkan perkhidmatan ini untuk anda. OSK adalah pemegang lesen daripada Suruhanjaya Sekuriti sebagai Broker Niaga Hadapan di bawah Akta Perindustrian Niaga Hadapan 1993; Peserta Dagangan Bursa Malaysia Derivatives Berhad dan juga Peserta Bursa Malaysia Derivatives Clearing Berhad.

Setelah pembukaan akaun, anda perlu mengemukakan margin kepada broker niaga hadapan anda. Margin adalah jumlah wang yang diperlukan untuk memegang kontrak niaga hadapan.

Semua kontrak niaga hadapan didagang berdasarkan margin, di mana ia diperlukan untuk menampung sebarang kerugian, jika ada,

disebabkan oleh pergerakan pasaran. Apabila anda mengalami pulangan negatif atas kedudukan niaga hadapan, tambahan dana adalah diperlukan untuk mengubah margin tersebut kepada margin permulaan.

Sebagai contoh, katakan margin kontrak niaga hadapan jagung adalah \$1,000. Jika harga jagung menurun, baki margin akan berada di bawah paras \$1,000 dan anda perlu mengemukakan lebih banyak dana untuk mengekalkan paras \$1,000.

Kontrak yang berlainan mempunyai margin yang berlainan, kebanyakannya ditetapkan oleh Niaga Hadapan Bursa. Margin ini adalah ditentukan berdasar kepada risiko serta ketidaktentuan instrumen. Contohnya, jika perubahan pasaran niaga hadapan adalah besar, maka kadar margin berkemungkinan ditingkatkan berdasarkan risiko berpunca daripada volatiliti pasaran.

Di sisi yang lain, bekerjasama dengan broker anda untuk menentukan keperluan pelaburan dan juga sokongan seperti penyelidikan, idea-idea pelaburan, berita terkini dan juga platform dagangan.OSK mempunyai

pakar wakil broker niaga hadapan dan pemegang dua lesen yang berpengalaman. Pasukan kami berkemampuan untuk memenuhi keperluan anda berdasarkan kesesuaian anda terhadap produk niaga hadapan tertentu. Mereka dilatih secara profesional dan mempunyai kefahaman yang tinggi tentang pasaran. Pengalaman dan pengetahuan mereka akan membantu meningkatkan prestasi portfolio anda.

Dagangan niaga hadapan mendapat sambutan hangat daripada seluruh dunia apabila pasaran global tidak menentu yang disebabkan oleh ketidaktentuan geopolitik dan ekonomi. Seseorang pelabur melihat instrumen ini sebagai satu kaedah untuk melindungi nilai manakala yang selainnya ingin mengaut keuntungan daripada pergerakan harga. Dengan bantuan broker yang berpengalaman ataupun mentor berkaliber, dagangan niaga hadapan berkemungkinan tinggi menjadi sumber kekayaan anda.

Penidakan :

Artikel ini ditulis/disediakan oleh OSK Investment Bank Berhad dan ianya adalah untuk maklumat umum sahaja. Matlumat yang terkandung di sini bukanlah merupakan nasihat/cadangan undang-undang, kewangan, transaksi pelaburan dan/atau (mahupun) sebagai satu

nasihat/cadangan pelaburan dan ianya tidak memberi sebarang cadangan atau sokongan terhadap perkhidmatan yang dinyatakan di sini. Pihak pembaca adalah dinasihatkan untuk mendapatkan pendapat yang berasingan sebelum membuat sebarang transaksi pelaburan, penyenaraian dan/atau pelaburan. Walaupun segala langkah telah diambil untuk memastikan ketepatan maklumat yang terkandung di dalam artikel ini, OSK Investment Bank Berhad dan/atau (mahupun) Bursa Malaysia Berhad tidak menjamin atau mewakili, samada secara nyata mahupun tersirat ke atas ketepatan atau kesempurnaan segala maklumat yang terkandung di sini dan tiada dalam apa keadaan pun Bursa Malaysia Berhad dan/atau OSK Investment Bank Berhad akan bertanggungjawab kepada pembaca mahupun sesiapa diatas sebarang tuntutan, walaubagaimana berbangkit, daripada atau berhubung dengan artikel ini. Semua undang-undang terpakai, peraturan-peraturan dan kaedah-kaedah semasa Bursa Malaysia Berhad mestilah digunapakai bersama-sama dengan artikel ini.”